

# ՀԱՄԱԶԳԱՅԻՆ ՄԵԾ ՏՕՆԸ



Թիֆլիսի բեմական առաջնորդ Մես-  
րոպ Եպիսկոպոսը մի հրապարակ է օւղղել  
իւր բեմի հայ ժողովուրդին, որի եական  
մասը ամփոփւած է հետեւեալ տղերի  
մէջ.

Գրեթէ զիւտի ժամանակակից Կորիւն  
վարդապետի պատմելով, *ս. Սահակի*  
և *ս. Մեսրոպի ջանքերով ամենակարճ*

ժամանակում երկիրը ծածկւեց զըպ-  
րոցների ցանցով և կէս դար անց  
ստեղծւեց հայ գրականութեան և  
կուլտուրայի սկեզարը:

«Յայնմ ժամանակի Երանելի եւ ցան-  
կալի աշխարհս հայոց պ'ուպոյման  
սեփանչելի լնել, յորում անկարծ... ի

մ'նն երկուց հաւասարելոցն՝ հայաբար-  
բառք հայերեկնախօսք զսանն:

Այդ պատմական մեծ փաստը տեղի  
ունեցաւ Փրկչական 412 թ. առաջ.  
մենք ապրում ենք քսաներորդ դա-  
րում, և սակայն այսօր հայ ժողովուրդը  
իր մեծամասնութեամբ զպրոց չունի,  
տղէտ է, յետամնաց և ուսման ծա-  
րաւի:

Այս հրաւէրը ուղղելով թեմիս հայ  
ժողովրդին յիշեցնում ենք նրան, որ  
Մեծ Տօնի առթիւ մեր առաջ է զբաւած  
մեր զպրոցի պահպանութեան և ապա-  
հովութեան մեծ խնդիրը. հրաւիրում  
ենք ամեն մի հայի, որը տասն և հինգ  
դար զբերի գիւտի բարիքները վայե-  
լող ժողովրդի գաւազն է, խղճմտօրէն  
գիտակցի տօնի և նրա հետ կապած  
մեծ ֆոնդի կարևորութիւնը և օգնու-  
թեան ձեռք կարկառի հայ կարօտ  
զպրոցին:

Ժամանակին դիմումն է եղած, տօնի

օրերն են հասել և մենք յիշեցնում  
ենք հայ հասարակութեան, թող ամեն  
ոք իր կարողացածին և ցանկացածին  
չափ փութայ իր նւէրը տալու: Քա-  
ղաքումս հաստատութիւնների և դա-  
սակարգերի ներկայացուցիչների մի-  
ջոցով պիտի կատարւի հանգանակու-  
թիւն, իրենց ձեռին ունենալով տպա-  
գրած, պաշտօնական կնքով վաւերա-  
ցրած ստորագրութեան թիւթիւր:

Նւէրներ կընդունւին և կարձանա-  
գրւին նաև առաջնորդարանում ամեն  
ժամանակ:

Ամեն օր լրագրերում կը տպագրւին  
հանգանակած գումարների ցուցակնե-  
րը:

Այս առթիւ պարտք ենք համարում  
յիշեցնել հայ հասարակութեանը, որ  
վերոյիշեալ հանգանակութեան համար  
թոյլտուութիւն է ստացւած կովկասի  
Փոխարքայից և ներքին գործերի մի-  
նիստրից: